

Fida Nyamesemka: Mumu 5, 2014.

(Friday sermon –5th December 2014 – Fante Translation)

OBU NYE AHOBRASE SUNSUM

‘O hom nkorɔfo a hom agye edzi! Hom nye sotsie ma Allah na hom nye sotsie ma Ne Somafo no, nye nkorɔfo a tumdze hye hon nsa wo hom do no. Na se hom adwen nnse wo adze bi ho a, ono dze hom ndann no nko Allah na Ne Somafo no ho, se hom ye egyedzifo wo Allah na Da a Odzi ekyir no mu ampara a. Iyi na oye papa paa na odzi mu wo ewiei no mu.’ (4:60)

Dem kyefa yi dze mbra bi toho ma egyedzifo de wobedzi do. Ono nye de, owo de wohye honho wo adzebu mu na wodzi mu wo mu, de oye Nyankopon Ne bu, Ne Somafo anaa nkorɔfo a wowo tum. Se nkorɔfo a wowo tum anaa aban no kyere wo de ye biribi a otsia Nyankopon na Ne Somafo hon mbrasem a oda edzi a, ono Nyankopon na Ne Somafo hon mbrasem no kron kyen no. Naaso, se Nyamesom mu faahodzi wo ho na se nkorɔfo a wowo tum no ye Muslimfo anaa wonnye Muslimfo a, owo de wodze bu ma hon.

Anohoba Mesia (Nyankopon Ne Nyhira Nka No) kaa de: Kur’an Kronkron no hye de: ‘...ye sotsie ma Allah, na ye sotsie ma Ne Somafo no, nye nkorɔfo a wowo tumdze wo hom do...’ Wɔahye no wo ha pefee de ye sotsie ma nkorɔfo a wowo tum na onnkedzi mu de obi beka de aban no nnka ‘hon a wowo tumdze wo hom do’ noho. Obi biara a onntsie hen biara ka henho. Wɔada no edzi pefee wo Kur’an Kronkron no mu de owo woye sotsie ma aban n adze biara a obeka no owo de wogye to mu.’ (Journal Al Andaz, p. 69- Tafseer Hazrat Masih e Maud, Vol. 11, p. 246)

Ne dem ntsi dem ber do Otsembuanyi nye Nhwedofu no aka no pefee de se iyi dza otsia dza Nyankopon na Ne Somafo aka fi ho a, owo de eye sotsie dze ma asaase no do mbra nyinara. Se nka Muslimfo refa dem mbrasem yi a nka basabasa a owo Muslim amanaman do no boko famu.

Wodze nyiyim tsentsen bi a ofi Anohoba Mesia (Nyankopon Ne Nyhira Nka No) n’akyerew mu to gua a okasa fa dem mpow yi nyinara ho: sotsie ne gyinabew wo de oye tse dan, sotsie noho hia ohia, ebeye sotsie nnye haw na dwumadzi a sotsie edzi wo Islam ne ntserewee mu. Wo dem ber yi mu no Ahmadiyyafo nko na wobotum ada nokwar sotsie edzi na wɔada n’edzi akyerew wiaze no mbre osi a Muslimfo hon enyimnyam botum etsintsim. Naaso mbre otse biara no, odzikan no owo de yekron hen sotsie gyinabew.

Anohoba Mesia (Nyankopon Ne Nyhira Nka No) kyereww de: ‘Ono nye de, ye sotsie ma Allah na Ne Somafo nye hon a wodzi hom enyim. Se yegye sotsie to mu wo nokwar mu a, akoma no nya kan na kra no so nya enyigye nye han. Sunsum mu dwumadzi nnhia de mbre sotsie hia no, owo mu de sotsie wo de oye nokwar na ono nye ne fa a oye dzen no. Owo de esee wɔakonɔdze wo sotsie mu osiande onnkotum aye yie de ebeye sotsie a iyi nnye. Na wɔara wɔakonɔdze ye atsenka bi a obotum aye bosom wo mpo nkorɔfo a wogye Nyankopon Ne Korye tomu hon akoma mu. Eben nhyira na Ekyirdzifo no (Nyankopon N’enyi ngye honho) yee de woyee kuw a woye sotsie burobu ma Nkomhyenyi Kronkron (Nyankopon N’asomdwee na Ne Nhyira nka no). Oye nokwar de kuw nnkotum aye kuw na onnkotum enyi oman sunsum nye korye gyede onam sotsie mbra do. Se nsesae wo adwen kyere nye korye mu da edzi a ono hu no de oye atowerenkyem nye fam ko nsenkyeredze. Edze siantsir ahorow ka ho a, ankorankora ntsease a onnyi ho nye basabasaye a owo nyimpa hon mu dzi

akotsen wɔ Muslimfo hɔn mberewye tsebea na hɔn famu bɔ mu. Se woyi nsonsonee a ɔwɔ adwenkyere mu fi hɔ na woye sotsie ma nyimpa kortsee, a ne sotsie no Nyankopɔn a Ɔkrɔn na wɔahye a, wobonya nkunyimdzi wɔ biribiara mu.

Nyankopɔn a Ɔkrɔn no pɛ korye na nkabomu nnkotum etsintsim gyede wɔdze sotsie kɔ nyee do. Wɔ Nkɔmhyenyi Krɔnkrɔn (Nyankopɔn N'asomdwee na Ne Nhyira nka no) ne ber do no na Ekyirdzifo no ye nkorɔfo a wɔgye hɔnho dzi a obiara wɔ n'adwenkyere. Nyankopɔn bɔɔ hɔn so de na wonyim amanyesem paa. Kwan nye dwumapa a odzi mu a Hazrat Abu Bakr, Hazrat Umar na Ekyirdzifo nkaa no (Nyankopɔn N'enyi ngye hɔnho) dze tum yee ber a wɔbeye Khalifa no da n'edzi mbre osi a na wɔgye hɔnho dzi na wɔwɔ adwenkyere a no mu ye dzen. Naaso, wɔ Nkɔmhyenyi Krɔnkrɔn (Nyankopɔn N'asomdwee na Ne Nhyira nka no) n'enyim no wohun hɔn adwenkyere nye atsempu no nyinara de ɔnnye biribiara. Adze biara Nkɔmhyenyi Krɔnkrɔn (Nyankopɔn N'asomdwee na Ne Nhyira nka no) no wohunn no de ɔfata de wɔdze kɔ nyeedo. Na woye tuhoakye wɔ hɔn sotsie mu ara de wɔhwehwe nhyira wɔ ne nsu a aka wɔ ne nsukitsa nsu mu na wohun n'ano nhyira no de enyimnyam. Se nka woenya bu sunsum na sotsie na obi biara hunn n'adwenkyere de ɔno na odzi mu a nka basabasaye beba hɔn ntamu na nka wonnkonya dem gyinabew yi a ɔkrɔn no.

Wɔ maadwendwen mu no kasa kortsee na obotum dze Shia na Sunni fo hɔn basabasaye no aba ewiei a ɔno nye de Ekyirdzifo no na basabasaye nye tan biara ammba hɔn tamu. Hɔn nkɔdo nye mpuntu kyere dzi ho dase de na woye kor na obi ennya tan amma obi. Etsiafo a wɔnnye anyasafo no ka de wɔdze nhye tsereww Islam na meka de iyi nnye nokwar. Nokwar no nye de sotsie hyee hɔn akoma mu ma na iyi ye sotsie ne nsunsuando na korye ntsi na wodzi nkorɔfo hɔn akoma do. Migyedzi nye de wɔtwe sekan ɔnam banbɔ nko ntsi. Se mpo hɔn antwe hɔn sekan a nka wɔdze hɔn anokasa bedzi wiadze nodo nkunyim!

Ekyingye biara nnyi ho de akoma do nsem ka akoma!

Ekyirdzifo no gyee nokwar no tuu mu wɔ nokwar akoma mu a na ndaadaa biara nnyi mu. Hɔn nokwardzi nko na ɔbeyee hɔn nkunyimdzi akwanya. Odzi mu de nyimpa nokwarfo dze ne nokwardzi nhye nko dzi dwuma. Nkɔmhyenyi Krɔnkrɔn (Nyankopɔn N'asomdwee na Ne Nhyira nka no) ne nhyira enyim no hyerenn kandzea a ɔfa gyedzi wɔ Nyankopɔn no mu wɔ ahoofe nye enyimnyam mu. Na ɔtwe ben na ɔwɔ tum a ɔtwe akoma ba ho. Na no kuw no ye fasusu wɔ Nkɔmhyenyi no sotsie mu na ne pintsinn gyina so daa edzi wɔ tsepa mu ara de obi biara a obohu no nnkotum aye biribiara ka de obeka hɔnho. Ne tsietsia mu no hia nnyi hɔ de Ekyirdzifo no hɔn gyinabew nye hɔn korye no yebesi do bio mu. Osiande Nyankopɔn a Ɔkrɔn no dze kuw a Anohoba Mesia no dze ne nsa retsetse no aka dem kuw no a Nkɔmhyenyi Krɔnkrɔn (Nyankopɔn N'asomdwee na Ne Nhyira nka no) tsetse noho. Kuw bi ne nkunyimdze gyina nkorɔfo a wɔtse dem yi hɔn mfatoho nko do, ne dem ntsi no hom nkorɔfo a wonyim mo de moye Anohoba Mesia no kuw no na ɔye hom pɛ de wɔnye hom beka Ekyirdzifo no hɔnho no, hom ntsintsim Ekyirdzifo no hɔn suban wɔ hom mu. Hom nsua hɔn sotsie; hom nsua hɔn ankorankora do nye nkabomu. Ne tsiatsia mu no, hom mfa Ekyirdzifo no hɔn anamɔntu biara.' (Al Hakm, Vol. 5, dated 10 February 1901, pp1-6)

Anohoba Mesia (Nyankopɔn Ne Nhyira Nka No) no akyerkyere ndzembra pii mu wɔ dem nyiyim yi mu. Odzikan no, wɔakyerkyere sotsie ma Nyankopɔn, Ne Somafo, wɔ kandzinyi nye w'aban mu. Iyi no aban ne mpanyimfo nye Jama'at mpanyimfo ka ho bi. Sotsie ma Khilafat mo krɔn kyen iynom ebien no osiande Khilafat tsintsim Nyankopɔn na Ne Somafo hɔn mbrasem na Jama'at mpanyimfo ye edwuma wɔ Khilafat ase. Ɔye Khilafat n'ahoofe de se asem bi ba Jama'at mba a woeyi hɔn de mpanyimfo nye Jama'at mba nkaa no hɔn ntamu a, Khalifa a ɔtse egua mu no yi fi hɔ. Osipi, iyi ye n'asodzi kor a ɔwɔ de ɔye. Sotsie ma Khilafat ba ansaana sotsie ma aban. Naaso, mma ekyingye biara mmba iyi ho

osiandɛ Khalifa a ɔtse egua mu no dzi enyim dɛ ɔnoara dze asaase nodo mbra ye edwuma na ɔhwɛ ma nkorɔfo nkaa no so ye.

Anohoba Mesia (Nyankopɔn Ne Nyhira Nka No) no aka wɔ beebi fofor dɛ: ‘Wɔ wiadze nsem mu no ‘ulul amr’ (hɔn a wɔwɔ tum) kyere ɔhen, na wɔ sunsum mu nsem mu no ɔkyere dem mber yi do Imam.’ (The Need for The Imam)

Wɔ wiadze mu aban nhyehyɛɛ mu no sunsum mu nhyehyɛɛ botum na ɔye edwuma so. Hen tsir aye yie dɛ yɛka dem sunsum mu nhyehyɛɛ yi ho. Khilafat bɔ mbɔdzen dɛ obetsintsim Nyankopɔn na Ne Somafo hɔn ahendzi wɔ nkorɔfo hɔn akoma nye hɔn adwen mu na wɔ basabasaye tsebea mu no Khalifa no bu atsen a ɔnam Nyankopɔn na Ne Somafo hɔn mbrasem do. ɔye Nyankopɔn N’adom dɛ yewɔ Khilafat nhyehyɛɛ wɔ hen mu na sɛ ɔntse dem a nka ekuwekuw ahorow na atsembuafo ahorow no wɔ adwenkyere ahorow wɔ nsem ho. Dem ara, adwenkyere ahorow botum dze nsem ahorow aba ɔfa no aban ho so. Ne dem ntsi no adwendwen a ogyina nara ne nan do botum aba gyedɛ ɔnam Khilafat do. Ahmadiyyafo nnkotum aye ndaasefo ma owie peye ma iyi na dem ndaase yi wobotum ada n’edze ber a wɔreyɛ sotsie ama Khilafat.

Anohoba Mesia (Nyankopɔn Ne Nyhira Nka No) kaa biribi a noho hia: ‘Sɛ yɛfa sotsie wɔ nokwar mu a akoma no nya han na ɔkra no so nya nhyira nye han.’ Osipi dɛ ha no sunsum mu sotsie na ɔrepe akyere na iyi ye akwanya dɛ edze bohu ankorankora sotsie gyinabew. Ana enya dem han na nhyira atsenka a wɔaka asem wɔ ha no? Dwendwen wɔ sotsie gyinabew ho na bubu w’abrabɔ mu sotsie dodow a ewɔ ma Nyankopɔn, Ne Somafo na Khilafat a Anohoba Mesia (Nyankopɔn Ne Nyhira Nka No) no dze abɔbɔ adze no. Sotsie ma aban no dze asomdwee na asetsena pa ban a mbom sotsie ma sunsum mu nhyehyɛɛ no dze asomdwee nye nhyira ba. Anohoba Mesia (Nyankopɔn Ne Nyhira Nka No) san kaa dɛ: ‘Sunsum mu dwumadze nnhia tsedɛ mbre sotsie hia no..’ sɛ ɔno nnyi hɔ obi nnkotum enya sunsum mu nhyira nye han anaa asomdwee wɔ n’abrabɔ mu. Nkorɔfo a wɔwɔ awerehyemu wɔ hɔn asɔryɛ nye hɔn Nyamesom mu no naaso wɔmmfa sotsie nnye edwuma nnkotum enya Nyankopɔn Ne nhyira. Gyinabew papa kor so a Anohoba Mesia (Nyankopɔn Ne Nyhira Nka No) kaa ho asem nye: ‘Noho behia dɛ ebɛsɛ wɔara woho adwendwen wɔ sotsie mu.....’ ɔwɔ dɛ nyimpa no dze nepe na dza Nyankopɔn na Ne Somafo aka no kɔ ben kor mu mbre ɔbeyɛ a obeyɛ sotsie. Anohoba Mesia (Nyankopɔn Ne Nyhira Nka No) no kaa dɛ abosom botum etsintsim wɔ mpo nyimpa a ɔgye Nyankopɔn Ne Korye to mu n’akoma mu a obotum ama nyimpa no onnkotum aye sotsie wɔ gyinabew ketsekette bi mpo mu. Anohoba Mesia (Nyankopɔn Ne Nyhira Nka No) no kaa dɛ Ekyirdzifo no (Nyankopɔn N’enyi ngye hɔnho) nyaa gyinabew a ɔkrɔn wɔ Nyankopɔn No som mu ber a wɔdze sotsie kɔrr nyɛɛ mu wiei no.

Osipi dɛ, Hadith ka dɛ sɛ mpo akowa bibinyi ye wo kandzinyi a ɔwɔ dɛ eye sotsie ma no. Wɔ beebi fofor so wɔaka dɛ sɛ wo kandzinyi ne tsi tsedɛ kyeresuamba a awo mpo a ɔwɔ dɛ eye sotsie ma no.

Anohoba Mesia (Nyankopɔn Ne Nyhira Nka No) dze ɔman anaa mantɔw ne mpuntu totow sotsie ho na ɔkaa dɛ ɔman nnkotum egyina gyedɛ nkorɔfo no fa sotsie osiandɛ no mu na mpuntu wɔ. Nkɔmhyenyi Krɔnkrɔn (Nyankopɔn N’asomdwee na Ne Nhyira nka no) kaa dɛ mpuntu gyina dɛ nyimpa ne nkitsahodzi a ɔnye no kuw wɔ, obetsie dem mber yi do Imam ne kasa wɔ sotsie mu. Sɛ nka Muslimfo a wɔwɔ wiadze no mu retse iyi ase a nka wɔbeyɛ kuw kɛsɛ a obi biara nnyi wiadze yi mu a obotum nye hɔn edzi esi! Hen Ahmadiyyafo wɔ dɛ yɛnya gyinabew a ɔkrɔn wɔ sotsie mu. Nyankopɔn aka dɛ sunsum mu ekuw no dze sotsie nye brasem a ohia ma hɔn dɛ wɔbɔsow aba. Mbre ɔtse biara no, sotsie da nsunsuando a ɔye nwanwa wɔ wiadze ekuw mpo mu.

Yehu no wɔ abakɔsem mu de Napoleon nya tum wɔ Franceman mu ber a na ɔman no roko famu. Oka kyereɛ ɔman no de gyede woyi akasakasa a ɔda ankorankora ntamu fi ho ansaana woetum entu mpon na ɔhye sotsie mbre ɔbeyɛ wobotu mpon. Nkorɔfo a na wɔpe ɔman no yieye no gyee n'amambre no too mu na wɔkyereɛ sotsie soronko nye ntsease ara ma ɔka de ɔyɛ nkwa mu nsesa suahun dze maa Napoleon so. Odzii nkungu wɔ ko kese bi mu no ɔkor fiadze wɔ Italy asaase bi a nsu etwa ho ehyia do. Ber a ɔsan bae France poano no na wodze tum ama hen fofor. Ohen no boaboa asɔfo, asrafo mpanyimfo na amanyɛfo na ɔma wodze Bible no dzii nsew osiande onya atsenka de na Napoleon wɔ ekyidzifo a wɔye etuhoama ma no a wobotum asɔer bio mu se ɔba a. Napoleon boaboa nkorɔfo ano ber a ɔbae no naaso ɔwo mu de na hon a wɔye nokwardzifo dze ma no no nnye asrafo a wɔwo suahun. Ohen no somaa asrafo kandzinyi a na asrafo ka noho na wɔnye Napoleon ne kuw no dzii esi wɔ kwan ketseketse bi mu. Napoleon hyee ne nkorɔfo no de wonko kan naaso aban n'asrafo no kumm hon. Ohyee ne nkorɔfo no pii bio mu na hon so wɔtow hon ma wowuwui. Ohunn dem tsebea no na ɔnngye nndzi de asrafo a ɔno tsetsee hon no nnkoye sotsie ama no. Onyaa atsenka de ɔtsetsee sotsie nye nokwardzi wɔ hon mu. Onya awerehyemu wɔ dem nokwar no a ɔdze hyee ne man hon mu no ɔnoara kor kan na ɔkaa de: 'Asrafo meye hom hen. Hom nyim me! Se obi wɔ hom mu a oboku me a, emi nye yi.' Asrafo no enntum enngyina iyi anon a wotu mbirika kor Napoleon ho. Ebimo ka de hon mu binom sui ber a na worutwa Napoleon noho ehyia no. Asrafo panyin noso beka honho wɔ hon nsew a wodzii ma Napoleon.

Hazrat Musleh Maud (Nyankopɔn N'enyi ngye noho) dze Napoleon ne tum a ɔsan benyae ye mfatoho na ɔkaa de: 'Napoleon anaa akandzifo a wɔtsetse de ɔno no na wonnyi Sunsum mu mboa a nokwar som anaa nokwar gyedzi wɔ naaso wotumee dze nsesa kese bae. Nkorɔfo a wɔaye Bai'at no hon tsebea ye soronko. Osipi de, Bai'at ne nkyerease nye ne siantsir ara nye de obi botu noho ama kusokuso wɔ sotsie mu. Dem nkyerease nye siantsir yi kron ara ma sotsie wɔ wiadze yi mu nsem ho nnkotum nye no edzi esi. Adwen: '...ye sotsie ma Allah, na ye sotsie ma Ne Somafo nye hon a wɔwo tumdze wɔ hom do no...' tse dem a se ɔman bi enndzi do a, se wɔgye nokwar gyedzi no to mu anaa wɔntse ne nka a, wonnkotum edzi nkunyim.'

Ɔwo de yedze Anohoba Mesia (Nyankopɔn Ne Nyhira Nka No) ne nsem no to hen adwen mu de ohia de yenya ntsease nye sotsie de mbre ɔbeyɛ a yebotum abeyɛ ɔman. Se ɔno nnyi ho a ɔno nhwease na ɔsee nko na obotum aba. Kur'an Kronkron ka fa iyi ho: 'Na hom nsuo Allah N'ahoma no mu dzendzenndzen, hom nyinara monka homho mbo mu, mma hom mmpaapae hom mu; ma hom nkae Allah N'adom a Ɔdze egu hom do ber a na hom ye atamfo ma homho no, Ɔno na Ɔkaa hom akoma boɔ mu wɔ ɔdo mu, na N'adom ntsi hom beyee tsede enuanom; na na hom wɔ egya mena n'ano na Ɔno na otwitwagyee hom fii ho. Dem kwan yi do na Allah kyerekyere Ne mbransɛm mu kyere hom, mbre ɔbeyɛ a hom benya akwankyere.' (3:104)

Ɔye awerehowsem de wɔ dem Sunsum mu nkratow yi nyinara ekyir no Muslimfo dze honho ahye dem ankorankora basabasaye yi mu na hon wir efi hon nhyira na woedur gyinabew a ɔmo koraa wɔ atowerenkyem nye famu ko mu. Wɔako famu fitsi Anohoba Mesia (Nyankopɔn Ne Nyhira Nka No) ne pen do na mbom sesiara dze hon edu bea a ɔnnye koraa wɔ hon famu ko no mu. Anohoba Mesia (Nyankopɔn Ne Nyhira Nka No) no kaa de hom nnyi hom ankorankora basabasaye no tokyen na hom nye sotsie ma nyimpa kor, dem ber yi do Imam, na ekyir no hom nhwe mbre hom biribiara a hom beye no beye nhyira. Ketseankye Nyankopɔn bema hon nyimdzii!

Anohoba Mesia (Nyankopon Ne Nyhira Nka No) san so kaa de: ‘Nyankopon a Okron Ne nsa wo kuw yi do...’ na se iyi nnyi ho yennkotum enya nkunyimdzi na yennkotum so ehu Nyankopon. Nkorofa a wowo nokwar nyimdzii nye adwenkyere wo Nyankopon Ne Korye a wowo nkabomu wo hon mu na wohwehwe Nyankopon a wuhu No. Mma hen enyi ngye keke de yeaye Bai’at. Yehia de yenya Bai’at gyinabew no a, tsede mbre oda edzi pefee wo kasafua Bai’at nara no mu no, de eboton woho.

Anohoba Mesia (Nyankopon Ne Nyhira Nka No) dze Hazrat Abu Bakr na Hazrat Umar (Nyankopon N’enyi ngye honho) yee mfatoho de na hon nyinara ye nkorofa a na wogye honho dzi a na obiara wo n’adwenkyere a no mu ye dzen na wo ne mber pa mu no hon su a otsetse dem yi no hyrenn na wodze bu aban. Naaso, wo Nkomhyenyi Kronkron (Nyankopon N’asomdwee na Ne Nyhira nka no) n’aber do no na otse de mbre wonnyim hwee. Wo dem ber no na wuhu hon adwenkyere nye atsembu de mfaso nnyi ho. Na ekyir no wiadze no dzii ho dase mbre osi a womaa Ekyirdzifo no akwankyerere na yehu sotsie mfatoho wo Nokwar-Akwankyerere Khilafat ber no.

Asem kor a okyerere Hazrat Abu Ubaida mbre onnye pesemenkomenya na n’atsembu nye de wo ko mu no onya kraataa fi Hazrat Umar (Nyankopon N’enyi ngye noho) a okyerere de na Hazrat Abu Bakr (Nyankopon N’enyi ngye noho) ewu na Hazrat Umar (Nyankopon N’enyi ngye noho) eyi Khalid bin Waleed efi egua do na woeyi Abu Ubaida de ondzi ko n’enyim. Wo oma no yieye mu ntsi no Abu Ubaida annka annkyere Khalid bin Waleed kopem de wonye Damascusfo no hon apam no ntsease annye edwuma. Na oka kyere Khalid bin Waleed de ommfa ne nsa nhye apam n’ase. Ber a obaa Khalid bin Waleed no nyimdzii mu no n’enyi angye ho naaso Abu Ubaida annka hwee amfa ho na mbom ohye Khalid bin Waleed nkuran wo ne ndwumapa a woedzi ho. Khalid bin Waleed kyere sotsie soronko ma Khilafat ber a okaa de: O Nkorofa! Woeyi ‘ameen’ a owo dem Ummah yi mu de hom kandzinyi. Nkomhyenyi Kronkron (Nyankopon N’asomdwee na Ne Nyhira nka no) dze abodzin ‘ameen’ (nokwardzifo) ma Abu Ubaida. Abu Ubaida kaa de: Metsee de Nkomhyenyi Kronkron (Nyankopon N’asomdwee na Ne Nyhira nka no) reka de Khalid bin Waleed ye Nyankopon Ne Sekan kor na oye abrantse a odzi mu wo ebusua kuw no mu. Ne dem ntsi no wogye nsesa no to mu wo enyigye mu.

Nkabamu no yeka de, Nyankopon N’adom ntsi no, Jama’at no wo sotsie sunsum naaso se woyi obi a ne ndzeyee bo ebira fi ne ofis a wobisa de ebenadze ntsi na woeyi no, ebenadze na wonnyi na dza okeka ho. Se yedze abakosem mfatoho yi hye hen adwen mu a dem nsembisa yi nnkoba.

Owo de yeeye ahweyie de nde dem Ku’ran na Nkomhyenyi Kronkron (Nyankopon N’asomdwee na Ne Nyhira nka no) kor nara na yedzi ekyir naaso Muslimfo no hon gyinabew tse den! Se womfa honho nhye basabasaye mu a woresere wiadze no. Anohoba Mesia (Nyankopon Ne Nyhira Nka No) no kaa de Shia na Sunnifo hon basabasaye no gyina de woegya sotsie wo ekyir. Dza ohia nye nkabomu na tsitsir Anohoba Mesia (Nyankopon Ne Nyhira Nka No) asere ne Jama’at de wonsintsim Ekyirdzifo no hon su no mbre obeye a hom nokwardzi no betsetsew atamfo no. Na iyi botum aba ber a hen mu kor biara bobo noho mbodzen de yebetsintsim sotsie. Yeeye sotsie burobu ma Nyankopon na Ne Somafo a hen yebotum enya hen kyefa wo dem kandzea no a wodze NK no.

Asodzi a oda Ahmadiyyafo do so, owo de yeda ‘...sotsie ma Allah, na ye sotsie ma Ne Somafo nye hon a wowo tumdze wo hom do’ mfatoho edzi ono a obotwe wiadze no aba hon nkyen. Onam iyi nko do na yebotum atwe wiadze no ako Nyankopon na Ne Somafo hon nan ase na yeama wiadze no akwankyerere. Iyi nye kwan a yenam do a yebotum ama wiadze yi mu basabasaye no ako ewiei. Yewo Kur’an Kronkron no mbranssem a ose fata de yedze ko nyee

do na ɔsɛ fata dɛ yɛyɛ sotsie ma no. Yɛwɔ Nkomhyenyi ne nhyira fasusu na ɔyɛ hɛn asodzi dɛ yɛbɛyɛ sotsie ama no. Na yɛwɔ sunsum mu nhyehyɛɛ ‘ulul amr’ no so (hɔn a wɔwɔ tumdze) wɔ hɛn do a ɔkɔdo twe hɛn adwen gyina Nyankopɔn na Ne Somafo hɔn mbransɛm no do. Siantsir biara nnyi hɔ dɛ yennkotum ama nsonsonɛe soronko aba hɛn na nkorɔfo nkaa no ntamu. Ketseankyɛ Nyankopɔn bɛyɛ hɛn adom ma yeetum aye dɛm ara na danyinara yɛahyɛ Anohoba Mesia (Nyankopɔn Ne Nyhira Nka No) n’enyido adzehu no ma!

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Rasheed Possible Essuman Sahib
(Final Year Student, Jamiatul Mubashireen, Ghana)
4. Hafiz Naseem Ahmad Nyame Sahib
(Composer, Second Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us